



[Árktaš guovlluid](#) dovdomearkan lea ahte doppe lea okta dain stuorimus oktilaš ja ollislaš ekosystemain máilmmis. Árktaš guovlluid goarádussan lea habitáhtaid massin ollásit dahje osiid mielde, nuoskkideapmi, badjelmearegeavaheapmi ja dálkkádatrievdamat.

Árktaš guovllus lea earenoamáš biodiversitehta, mii lea heivehuvvon árktaš guovllu seavdnjadassii ja buollašiid. Dát addá birgenlági 300 000–400 000 iešguđet álgoálbmogiidjoavkku olmui, geat ássat árktaš guovllus.

Árktaš guovllus ássat sullii 3,8 miljovvna olbmo gávccii riikkas. Álgoálbmogat vástidit 8–10 % álbmogis. Lea dábálaš rehkenastit ahte leat 24 árktaš álgoálbmotjoavkku.

Davviguovllut leat leamaš geasuheaddji guovllun stáhtaide mánggaid čuohtejagiid juo valljis luondduresurssaid geažil. Guovllus lea olu sihke ođasmuvvi ja ii-ođasmuvvi resurssat. Leat olu oljo- ja gássaressat árktaš guovllus, mat eai leat vel ávkkástallojuvvon. Stuorimus gávdnosat leat boazoguohtoneatnamiin. Oljo- ja gássabohkan árktaš guovlluin sáhttá garrasit

čuohcat álgoálbmogiid árbevirolaš geavaheapmái ja eallináhkái.